

1\* وزیر اعظم نریندر مو دی نے کہیو ہے جے مُلک غی خالص گھریلو پیدوار یعنی جی ڈی پی 8 فیصد غی شرح توں بدھ رہی ہے تے وہ دن دور نہیں جد بھارت دُنیا غی تیجی بڑی معیشت بن غے سامنے آوے گو۔

2\* پیرس اولمپکس مانہہ منو بھاکر نے اج مکسڈ 10 میٹر ائیر پستول شوٹینگ مقابلہ مانہہ جنوبی کو رہی غی جوڑی نانہہ برا غے کا نسہ غو تمغو حاصل کیو ہے۔

3\* مرکزی وزیر مملکت جتن پر ساد نے دسیو ہے جے پی ایل آئی سکیم غے تحت 176 بہت چھوٹا، چھوٹا تے درمیانہ درجہ غا کا روبا ری اداراں نے فائدو چایو ہے۔

4\* تے مرکزی وزیر شیو راج سنگھ چوبان غو کہنو ہے جے ذریعی بنیا دی ڈھانچہ فنڈ غے تحت ملک پھر مانہہ 72 ہزار بنیا دی ڈھانچاں غا منصوبہ تیار کیا گیا ہیں۔

\*\*\*\*\*

### PM Budget Conference

وزیر اعظم نریندر مو دی نے کہیو ہے جے مُلک غی جی ڈی پی 8 فیصد غی شرح توں بدھ رہی ہے۔ تے وہ دن دور نہیں جد بھارت دُنیا غی تیجی بڑی معیشت بن جائے گی۔ اج نویں دہلی مانہہ وکست بھارت غا مرکزی بجٹ 25/2024 غی کا نفرنس غا افتتاحی اجلاس سنگ خطاب کرتاں واں جناب مو دی نے کہیو جے بھارت وبا ئی امراض سنگ لڑن توں بعد وی نویں بلندیاں ورچ گئیو ہے۔ اُن غو مزید کہنو تھو جے حکومت اک بڑا پیمانہ وراک بے مثال بنیا دی ڈھانچو تعمیر کر رہی ہے۔ وزیر اعظم نے کہیو جے سرمایہ کاری غا اخراجات نانہہ وسائیل غی سرمایہ کاری غو سب توں بڑو پیداواری ذریعو کہیو جائے۔ اُنہاں نے کہیو جے 2 ہزار 4 مانہہ یو پی اے حکومت غا پہلا بجٹ مانہہ سرمایہ خرچ تقریباً 90 ہزار کروڑ روپیہ تھی تے 2014 مانہہ یاہ بدھ غے 2 لکھ کروڑ روپیہ ہو گئی تھی تے ہُن یاہ 11 لکھ کروڑ روپیہ تک چُج گئی ہے۔ جناب مو دی نے کہیو جے بجٹ غو ہُجم ہُن 3 گنا بدھ غے 48 لکھ کروڑ روپیہاں توڑی ہو گئیو ہے۔ اُنہاں نے کہیو جے گذریہ 10 بہراں مانہہ قریب 25 کروڑ لوکاں نانہہ عُربت توں باہر آئیو گئیو ہے۔ اُنہاں نے مزید کہیو جے بہت چھوٹا، چھوٹا تے درمیانہ درجہ غا تجا رتی امور وری خاص توجہ دتی جا رہی ہے۔ جھپڑا کہ روزگار وری فراہم کریں۔ اُن غو مزید کہنو تھو جے حکومت اپنا مُلک غا شہریاں خاطر زندگی زندگی مانہہ آسانی تے معیاری زندگی نانہہ یقینی بنا رہی ہے۔ یا درہ جے دن پھر غی کا نفرنس غو انعقاد سی آئی آئی غے ذریعے کیو جا رہیو ہے۔ اس غو مقصد ترقی کاطر حکومت غا وسیع تر نظریہ تے اس کو شش مانہہ صنعت غا کردار غو خاکو پیش کرنو ہے۔ قابل ذکر ہے جے اس کا نفرنس مانہہ صنعت، حکومت، سفارتی برادری غا اک ہزار توں متا شرکاں ذاتی طور وری شرکت کر رہیا ہیں۔

\*\*\*\*\*

### Manu Bronze

پیرس اولمپکس مانہہ منو بھاکر تے سربجوت سنگھ نے اج 10 میٹر ائیر پستول میکسڈ ٹیم ایونٹ نشانہ بازی مقابلہ مانہہ جنوبی کو رہا غی جوڑی نانہہ شکست دے غے کا نسہ غو تمغو جیت لیا ہے۔ اس جیت غے نال منو اولمپکس غا اک ہی ایڈیشن مانہہ دو تمغہ جتن

آلی پہلی بھارتی کھلاڑی بن گے بھارتی کھیڈاں غی تا ریخ مانہہ اپنو ناں درج کیو۔ دوجے پاسے سربجوت سنگھ نے اپنو پہلو اولمپکس اعزاز حاصل کیو ہے۔ واضح رہے جے اس تیں قبل منو نے کالسریاں غی 10 میٹر اثر پستول مقابلہ مانہہ کانسہ غو تمغو جتیو تھو۔ شٹلر پی وی سیندھو تے پہلوان سُشیل کمار واحد 2 بھارتی تیں جنہاں نے اولمپکس مانہہ اک تیں زیادہ تمغہ جتیا تیں۔

\*\*\*\*\*

#### Prez Mau Sarbjot

صدرِ جمہو ریہ درویدی مُرمو نے پیرس اولمپکس مانہہ 10 میٹر پستول میکسڈ ٹیم ایونٹ مانہہ کانسہ غو تمغو چتن ور منو بھا کر تے سربجوت سنگھ نانہہ مبارکباد پیش کی۔ اک سماجی میڈیا پوسٹ مانہہ صدرِ جمہو ریہ نے کہیو کہ منو بھا کر اک بی المپک کھیڈ مانہہ 2 تمغہ جیت غے بھارت غی پہلی نشانے باز خاتون بنی تیں اور اُس نے تا ریخ رقم کی ہے۔ صدرِ جمہو ریہ غو کہنو تھو کہ مذکورہ کھلاڑی نے جیت حاصل کر غے قوم غو ناں بلند کیو ہے تے وے اُنہاں تے سربجوت سنگھ واسطے مستقبل مانہہ مچ سارا اعزازات غی خواہش رکھیں۔

\*\*\*\*\*

#### PM Manu Sarabjot

وزیر اعظم نریندرمو دی نے پیرس المپکس مانہہ 10 میٹر آئرپستول میکسڈ ٹیم ایونٹ مانہہ کانسہ غو تمغو جتن ور منو بھا کر تے سربجوت سنگھ نانہہ مبارکباد دتی ہے۔ اک سماجی میڈیا پوسٹ مانہہ وزیر اعظم نے کہیو جے بھارتی نشانے باز قوم غو سر فخر سنگ بلند کر ریا تیں۔ وزیر اعظم غو کہنو تھو کہ بھارت ناقابلِ یقینی حد تک خوش ہے۔ اُن گو کہنو تھو کہ منو واسطے اس غو لگاتار اولمپکس ہے جھپڑو جے اس غی لگاتار لگن نانہہ ظاہر کرے۔

\*\*\*\*\*

#### Kerala Wayanad

کیرالہ غا وائناڈ ضلع مانہہ بڑا پیمانہ ور پسی پین غی وجہ سنگ جان گنوان غی گنتری 63 تک پُج گئی ہے۔ واضح رہے جے یاہ تعداد مزید بدھن غو امکان ہے اس سلسلہ مانہہ 116 افراد نانہہ وائناڈ غا بکھ بکھ ہسپتالاں مانہہ پہرتی کرایو گیو ہے۔ سرکاری ذریعاں نے دسیو ہے کہ 100 تیں متا افراد لاپتا تیں۔ کوچی گا دفاعی ذریعاں نے دسیو ہے کہ بھارتی بحریہ غا 30 ماہر تیراکاں غی اک ٹیم نانہہ خطہ مانہہ تعینات کیو گیو ہے۔

\*\*\*\*\*

#### Rajnath Singh Wayanad

وزیر دفاع راجناتھ سنگھ نے اج فوجی سربراہ اُپندرہ دیویدی سنگ کیرالہ غا وائناڈ مانہہ پسی آن غا تناظر مانہہ بات چیت کر غے بھارتی فوج نانہہ امدادی کاروائیاں مانہہ شامل کیو گیو ہے۔

\*\*\*\*\*

## LS Rahul Gandhi

لوک سبھا مانہہ حزب اختلا ف غا لیڈر راہل گا ندھی نے مرکزی حکومت نانہہ درخواست کی ہے جے وے کیرلہ غا وائٹاڈ مانہہ پسی پین غا معاملہ مانہہ بچاؤ غی کو ششاش خاطر ہر ممکن تعاون فراہم کراویں۔ اس تیں علا وہ جناب گاندھی نے ٹرانسپورٹ تے مواصلاتی لائنیں نانہہ بحال کرن تے امدادی کیمپ قائم کرن ور وی زور دتو۔ جناب گا ندھی نے مزید کہیو جے منڈکائی گراں غو رابطو وی منقطع ہو گیو ہے تے بڑا پیمانہ ور تباہی غو اندازو لانو باقی ہے۔ اُن غو کہنو تھو جے گذریا کُجھ بہراں مانہہ مُلک مانہہ پسی اُن غا معاملات مانہہ اک خطرناک حد تک بابدو دیکھیو جا رہیو ہے۔ تے اس بارے اقدام لین غی خاص لوڑ ہے۔

\*\*\*\*\*

## Prez-VP Wayanad

صدر جمہو ریہ دروپدی مُرمو تے نائب صدر جمہو ریہ جگدیپ دھنکڑ نے وائٹاڈ مانہہ پسی پین غی وجہ سنگ جان گنوان آلاں غا کنباس سنگ تعزیت غو اظہا رکیو ہے۔ اک سماجی میڈیا پیغام مانہہ صدر جمہو ریہ نے زخمیاں غی جلد صحت یابی غی دُعا کی ہے۔ اس طرح نائب صدر نے وی زخمیاں غی جلد صحت یابی بارے دُعا کی ہے۔

\*\*\*\*\*

## RS Kerala Wayand

راجیہ سبھا غا چیئرمین جگدیپ دھنکڑ نے کیرالہ غا وائٹاڈ مانہہ پسی پین غا المناک واقعہ ور تشویش غو اظہا رکیو ہے۔ اُنہاں نے کہیو کہ یوہ اک تکلیف دہ صورتحال ہے۔ کیونکہ مچ سارا لوک اپنی جان گنوا بیٹھا ہیں۔ اُنہاں نے سوگوار کُنباں سنگ تعزیت کی اور زخمیاں واسطے جلد صحت یابی غی دُعا وی کی۔ اس سلسلہ مانہہ قائد ایوان جے پی نڈا نے وی اس حادثہ نانہہ اک بڑو المناک واقعہ قرار دتو اور کہیو کہ پورو مُلک غمزدہ ہے۔ اُنہاں نے کہیو کہ وزیر اعظم غی قیادت مانہہ مرکزی حکومت فعال کم کر رہی ہے۔ تے متاثرہ علاقوں مانہہ امدادی کماں واسطے ضروری مدد فراہم کر رہی ہے۔ اُن غو کہنو تھو کہ مرکزی ایجنسیاں غی طرفوں تمام تعاون دتو گیو ہے تے ریاستی حکومت غے نال مل غے کم کیو جا رہیو ہے۔ اس سلسلہ مانہہ پارلیمانی امور غا وزیر کرن رجیجو نے کہیو کہ کوئی وی قدرتی آفت ہر اک واسطے سنگین تشویش ہے۔ تاہم اس طرح حزب اختلا ف گا ارکان نے مطالبو کیو کہ اُنہاں نانہہ کیرلہ گا المناک واقعہ ور بولن غی اجازت دتی جائے اُنکا راجیہ سبھا مانہہ حزب اختلا ف گا قائد ملک ارجن کھڑگے نے کہیو جے کئی لوکاں غی جان گئی ہیں تے حزب اختلا ف جاننو چاوے کہ مرکزی حکومت غی طرفوں کیرالہ غی امداد فراہم کرن بارے کہ کوشش کی جا رہی ہے۔

\*\*\*\*\*

یہ خبر تم آکا شوانی جموں تیں سُن رہیا ہیں خبراں غا باقی حصہ نال محمد اشفاق۔

## Govt PLI Scheme

حکومت غو کہنو ہے جے 176 بہت چھوٹا، چھوٹا تے درمیانہ درجہ غا تجارتی خانہ تے پروڈیکشن لنکڈ انسٹیٹو اسکیم پی ایل آئی تو فائدو چایو ہے۔ لوک سبھا مانہہ اک سوال غو

جواب دیتاں واں صنعت و تجارت غا وزیر مملکت جتن پرساد نے کہیو جے پی ایل آئی اسکیم مانہہ 1 لکھ 32 ہزار کروڑ روپیاں غی سرمایہ کاری ہوئی ہے۔ اُن غو مزید کہنو تھو جے اس سکیم نے 8 لکھ 50 ہزار توں متا روزگار غا مواقع فراہم کیا ہیں تے اس نال 11 لکھ کروڑ روپیاں توں متا غی پیداوار تے فروخت ہوئی ہے۔

\*\*\*\*\*

#### LS PLI States

حکومت نے اج کہیو جے جے مُلک غی 27 ریاستاں نے آتمن بہا ر بھارت پہل غے تحت پیداوار سنگ منسلک پی ایل آئی اسکیم توں فائدو چایو ہے۔ لوک سبھا مانہہ اک سوال غو جواب دیتاں واں وزیر تجارت پیوش گوئل نے کہیو جے اُن مُلک مانہہ 65 فیصد اجزا تیار ہو رہی ہیں۔ جن غا مثبت نتائج نظر آریا ہیں۔ اُنہاں نے مزید کہیو جے پی ایل آئی اسکیم مثبت نتائج دے رہی ہے تے اس سکیم غے تحت سبسڈی وی دتی جا رہی ہے تے یاہ حکومت غی اک بڑی پہل ہے۔

\*\*\*\*\*

#### LS Agriculture

مرکزی وزیر ذراعت شیوراج سنگھ چوبان نے کہیو جے ذریعی بنیادی ڈھانچہ فنڈ سکیم غے تحت مُلک پہر مانہہ 76 ہزار کروڑ روپیاں توں متا 72 ہزار بنیادی ڈھانچہ غا منصوبہ بنایا گیاہی۔ یا درہ جے یاہ سکیم 2020 مانہہ شروع کی گئی تھی جس غو مقصد نقصان کھٹ کرنو تے کساناں خاطر بہتر قیمت غو احساس، ذراعت مانہہ جدت نانہہ فروغ دینو تے سرمایہ کاری نانہہ راغب کرن خاطر پوسٹ ہاروسٹ انتظامی ڈھانچہ نانہہ تیار کرنو تھو۔ اُنہاں نے کہیو جے اس سکیم غے تحت بینکار تے مالیاتی اداراں غے ذریعے اہل قرض دہندگان نانہہ اک لکھ کروڑ روپیا فراہم کیا گیا ہیں۔ لوک سبھا مانہہ اک سوال غو جواب دیتاں واں شیوراج سنگھ چوبان نے کہیو جے حکومت ذخیرہ اندوی خاطر مناسب انتظامات کر رہی ہے۔ تا نچے کساناں نانہہ فصلوں غی مناسب قیمت لبھ سکیں۔ وزیر موصوف نے دسیو جے مُلک مانہہ ذریعی ترقی غی شرح تقریباً 4 فیصد ہے تے مُلک مانہہ غذائی اجناس غو بڑو ذخیرو موجو د ہے۔

\*\*\*\*\*

#### LS MSP

ذراعت تے کساناں غی بہبود بارے وزیر شیوراج سنگھ چوبان نے کہیو جے حکومت مُلک غا کساناں نانہہ ایم ایس پی غو مکمل فائدو پجان خاطر واعدہ بند ہے۔ اُنہاں نے کہیو جے کمیٹی نانہہ اس بارے ہدایت جاری کی ہے جے واہ کمیشن برائے ذریعی لاگت تے قیمتاں بارے جائزو لے۔ اُنہاں نے دسیو جے 2 ہزار 1 ماہر ذراعت منڈی بنیادی ڈھانچہ سکیم توں لے غے اُن توڑی 2 ریاستاں مانہہ کُل 48 ہزار 5 سو 12 گوداماں غی منظوری دتی گئی ہے۔ جن مانہہ 9 سو 40 ٹن ذخیرہ غی گنجائش ہے۔

\*\*\*\*\*

## RS NEET Counlling

نیٹ انڈر گر یجوٹ 2 ہزار 24 کا وُ نسلینگ غو پہلو دور اگلا مہینہ غی 14 تا ریخ نانہہ شروع بو ربیو ہے۔ راجیہ سبھا مانہہ اک سوال غو جواب دیتاں واں وزیر مملکت برائے صحت انو پریا پٹیل نے کہیو جے سپریم کورٹ غا حُکم غے مطابق چا رمرحلاں مانہہ کو نسلینگ کی جا ئے گی۔ محترمہ پٹیل نے کہیو جے پہلے ہفتہ مانہہ اندراج شروع بو جا ئے گو۔ وزیر موصوفہ غو کہنو تھو جے کو نسلینگ 14 اگست توں 23 اگست غے بشکار کی جا ئے گی۔

\*\*\*\*\*

## LS Budget Discussion

لوک سبھا مانہہ اج عام بجٹ 25/2024 ور دوبا رہ بحث شروع بو ئی۔ توقعو کی جا رہی ہے کہ وزیر خزانہ اج شام نانہہ اس بحث غو جواب دیں گی۔ اس بحث مانہہ حصو لیتاں واں بی جے پی غا دویندر سنگھ نے کہیو کہ یوہ بجٹ مُلک نانہہ اج جامع ترقی آلے پاسے لے جائے گو۔ اُن غو کہنو تھو جے حکومت کساناں غی بہبود واسطے پُر عزم ہے تے ذرعی شعبہ واسطے بجٹ مانہہ بڑی رقم مختص کی گئی ہے۔ اُنہاں نے کہیو کہ بجٹ مُلک مانہہ قدرتی کھیتی نانہہ فروغ دین مانہہ مدد گا ر ثابت وے گو۔ اُن غو کہنو تھو کہ حکومت نے مُلک مانہہ روزگا ر غا مواقع پیدا کرن با رے کئی اقدامات کیا ہیں۔ اس سلسلہ مانہہ سماج وادی پا رٹی غا صدر اکھلیش یا دؤ نے کہیو کہ اس سال غا بجٹ مانہہ بے روزگا ری غا خاتمہ تے دیہی علاقاں غی ترقی واسطے کُجھ وی نہیں ہے۔ ان غو کہنو تھو کہ اُتر پردیش مانہہ کسے وی پروجیکٹ واسطے بڑو اعلان نہیں کیو گیو ہے۔ اُنہاں نے کہیو کہ تجا رتی خسارہ لگاتار بدھ ربیو ہے اس ور قابو پان واسطے کو ئی ٹھوس قدم نہیں چایو گیو ہے۔ اس سلسلہ مانہہ بحث جا ری ہے۔

\*\*\*\*\*